

四庫全書

史部

欽定四庫全書

幸魯盛典卷三十八

聖駕幸魯釋奠禮成

勅修

聖廟紀事

有序

提督山東學政按察司副使

臣

朱雯

歲在甲子

上省方回鑾

金上日...
躬詣闕里行釋奠禮畢

親灑宸翰

御製鴻文懸額樹碑炳耀千古擴地蠲賦之外

賜金

賜秩有差越歲庚午

特發帑

遣官重新廟貌庀材鳩工靡間寒暑夫屈

翠華之駕曲阜親臨給水衡之錢

聖祠重葺曠古以來未有尊師重道

殊恩異數如此之優渥者也

臣

震浙水豎儒欽承

簡命視學鄒魯得覲宮牆捧

盛典之新編盥手披誦欣鉅功之經始拭目觀成恭

賦小詩以誌榮幸辭曰

聖主開文治宏規軼漢唐論思勤

講幄企德見羹牆統紹尼山遠源尋泗水長端居懷

闕里望道出天閭後隊鮫函簇前騶鳳旆揚珮

聲馳一路幢影列千行
漸近昌平驛俄臨道冠
坊上公虔晉謁執事凜
趨蹌玉振門初啟金鐘
漏未央質明將釋奠
靜夜早垂裳

端冕行丹陛

凝旒拜素王設縣鳴磬筦
布席薦圭璋疏勺犧尊舊
崇牙翟羽翔炳蕭誠合漠
徹俎貌逾莊樂奏三
終後烟分兩廡傍

手摩碑篆古衣藉檜陰涼

睿藻輝宸翰奎文煥講堂

眸容猶穆穆湛露已灑灑

賜秩榮先裔調珍給尚方輦金沿戶錫

御蓋守祠藏緩步還辭出登車尚可望鳳絲移殿壁

馬鬣指阡岡駐蹕亭猶在披榛徑未荒楷柯瞻

去直蒼草摘來香酒酹霜風急林寒暮色蒼傍

塋新擴地荷澤永蠲糧曠典知難並

天心更不忘學惟宗

至聖禮必邁前皇祠宇從明代魏峩壓魯疆陳丹經
漉漫暗粉墮微茫廟貌因重葺程工紀土章帑
頒元字國楮給大官倉伐石礮堦砌掄材庀棟
梁杲悤縈短椀瓴甃遶回廊百度咸釐飭千夫
盡蹶躄層基仍爽塏廣厦逾輝煌自顧同窺管
深慚歎望洋寵膺

天子命得到

聖人鄉玉軸晴霞麗琳宮奕葉光矢音恭紀盛拜手

頌遐昌

恭紀

聖駕幸魯八章

提督山東學政按察司僉事臣任塾

洙泗昭雲漢斯文帝者模

省方旋

鳳馭望道起

嵩呼肅穆

天容接高深

聖德符禮成垂盛典至治媿唐虞

其二

行幄瞻龍袞升堂引上公共驚

天子貴新拜

素王崇羽衛千官仗車書百畝宮同符前後際文物

喜昭融

其三

千仞宮牆啟龍旗

駐蹕來告虔陳玉帛釋奠薦尊壘奏樂宮縣正橫經
黼座開爭誇兩博士新侍

講筵回

其四

至道心傳契尊崇寶墨宣銀鈎垂象緯金榜上
雲煙

天藻珠璣落

奎章琬琰鐫千秋堂與在昭示得真詮

其五

旅進分多士踰踰列駿奔園橋盈鷺羽陪祀及
雲孫顧喜衣冠萃周諮典策存

賜金兼

賜秩族姓總承恩

其六

馳道森蒼翠

親瞻馬鬣封喬林尋古幹宿草摘香茸酌酒重泉潤披
榛湛露濃五雲松柏路縹緲見

真龍

其七

泉林懷往躅寶碣照川光碧瓦丹霄外虹橋玉
溜傍神機開與窻

天縱煥文章緬想卷阿盛來遊頌未央

其八

異數沾優渥寧誇唐宋年黃羅留

御蓋翠陌廣新阡贊頌金絲協縹緗日月懸小臣方後

至深媿續鴻編

聖駕幸闕里恭紀

山東鹽運使司鹽運使臣胡瑾

龍旂冉冉渡江津

鑿輅雍雍向泗濱方說勤民來肆覲忽緣訪道又

東巡千秋俎豆推三重萬古文明賴

一人列拜宮牆稱異數金貂輝映杏壇春

其二

聖學宏深百代師執經

親御孔顏祠德崇天縱維新化道繫乾元大統垂五氏

圜橋承

顧問千官入廟見威儀斯文有運惟

皇造元會於今正及時

聖駕幸闕里恭紀二首

山東兗州府知府

臣張鵬翮

六龍初御展三辰

鸞輅時巡萬戶春
世際上元開泰運
禮修秩祀出

楓宸辟雍已見橋門盛
闕里今看雨露新
自是規模高

百代詩書澤久俗
還醇

其二

翠輦龍旂出

九重承

恩扈蹕慶遭逢金吾戒道祥風入羽騎連鑣喜氣濃
四野久知歌

帝力千秋復見振儒宗微臣幸際明良盛愧乏清辭入
鼓鐘

聖駕幸魯釋奠禮成

勅修

聖廟恭紀五十韻

山東兗州府黃河同知臣朱琦

寶曆元開泰豐年物兆康

天心崇道統

帝德煥文章

聖已追堯舜風尤軼漢唐

深居常典學端拱協垂裳敷政勤宵旰論思凜怠荒
經筵資啟沃治術重劬勩疏淪縈清慮青災切視傷

德音原秩秩典誥復洋洋偃武烽煙靖修文圖史彰蒸

黎欣布澤河嶽慶

巡方北堂青雲迴東來紫氣翔羽林皆虎旅驃騎盡
龍驤

鳳輦行齊甸

鸞輿幸魯鄉昌平纜

駐蹕闕里又登堂釋奠超皇古尊師極素王羹牆瞻
拜起俎豆耀輝煌扇影開彤旭星芒拂劍霜尼
山名愈烈泗水澤尤長陪祀雲孫集明禋世會
昌絃歌敦象勺題詠式珪璋廣額

綸音渥豐碑

御墨香橫經優聖域進講得書倉爭羨儒生業親依

天子光不須嗟豹隱頓已列鵷行授爵榮雙被分金寵

莫量書

頒龍篆紫蓋錫鶴雲黃入廟神先肅臨陵草更芳楷

邊詢手植川上製文揚地擴通隣壤租捐是正

糧溪山仍勝賞祠宇久蒼涼不遠靈光殿還修

冠道坊

遣官馳驛迅

發帑庀材良林總工咸集雕鏤技畢襄崇墉高碧落
壘石接康莊雲漢飛朱棟丹鉛遶畫廊

天恩新廟貌士氣感趨蹌鐘鼓弘陳典精誠格上蒼竒
觀竅竝仰瑞靄鬱相望輪奐鸞表麗翬飛鳥革
張光華昭黼黻紹述著縹緗盛業原無匹宏規
迥異常旁求東野胄表樹孟公庠勝事難枚舉
微臣敢拜颺服官為邑宰再命役河防曾識

天顏近同沾零露
灑雲屯森羽衛
銀箭漏鏗鏘退食
頌羣雉烹鮮

賜一釐餘榮追祖考
馨薦洽烝嘗未獲
消埃報徒深
悃悞將千秋銘不朽

萬壽頌無疆

聖駕幸魯恭紀

有序

山東兗州府滋陽縣知縣

臣

王綸部

小臣綸部

待罪滋陽恭遇

時巡

駕幸闕里鳧蒙夾日欣瞻復旦之輝洙泗迎

鑾聿被恩波之灝至道契乎

先聖續禹湯文而上不傳之心禮樂備乎宗周舉漢
唐宋以來未有之典

和鸞既駕猶聞兆庶歡騰

六馭初迴聿覩鴻文炳耀真曠古迄今萬不一覩之

異數也

臣綸部

草茅下吏獻頌無由敬述蕪詞

曷勝屏息辭曰

輦路東風闕

皇圖北極安洙源

親訪道闕里

駐鳴鸞雉尾開宮扇
龍旂引輔官青陽覃澤溥
赤子沸聲歡禮器藏宗國
春秋祀杏壇闕宮傳

警蹕泮水滙波瀾

聖像凝神古

天顏對越端金絲藏典冊章甫覲衣冠舞佾賡鐔磬升
馨薦匱盤槐庭施講席檜殿

灑宸翰宗子彤弓賜儒門棧樸繁簷楹

曲蓋植碑碣

冕旒看

命駕遊封域披榛視鬱蟠捫著思演易撫楷寧猗蘭粹
矣心遙契休哉典莫刊

文章星日麗氣象斗牛干

御幄冬常煖恩波歲不寒
卿雲千載旦湛露一朝溥
末吏遭逢幸微言獻納難
永懷歌喜起焉敢頌遊

觀

瞻仰

御碑頌

并序

巡撫山東兵部右侍郎兼都察院右副都御史

臣

王國昌

我

皇上御極之三十有八年夏

命官賚

御製

御書重建

聖廟碑文勒石於闕里冬十一月告成臣王國昌備

員東撫得逢

盛典不勝忻幸恭率藩臬道府諸臣輕騎星馳前赴
瞻仰以是月之望恭叩

御碑又得拜觀

欽定四庫全書

御筆墨蹟於詩禮之堂

天章

宸翰照耀心目星虹煜燦雲霞蔚蒸譬諸天地之廣大

日月之光華莫可形容無能贊頌_臣等唯有相

率懼忭蹈舞自慶遭逢

聖主得覩開闢以來未有之

隆恩鉅典而已_臣退而思之竊聞帝王出治者也聖人

垂教者也自伏羲神農以及堯舜禹湯文武行

道於上而治以成孔子明道於下而教以立至
其集羣聖之心傳垂百世之道統繼往開來貫
古今而配天地者則孔子為尤盛焉然聖人之
道必得帝王尊崇而闡揚之然後其道益明而
其教益廣漢唐宋明以來非無崇儒重道之君
臨幸釋奠然不過修舊典舉常儀繕葺委守土
之吏撰述出代言之臣耳未有如我

皇上之親幸林廟

躬行九拜

賜御書之額留

御仗之蓋祝文碑贊皆出

聖製

寵賚渥於世嫡錄用逮於聖裔而且推恩元聖施及先

賢修廟則

特頒內帑董以近臣告成則

親製祭文

特遣

皇子至於因成新廟重勒貞珉道接羹牆言垂琬琰
帝典王謨之體游龍卧虎之書崇禮

先師表章聖學以一道同風之旨為化民成俗之原
大哉

王言尤亘古所未聞也蓋由我

皇上聖由天縱德集大成闡泗洙之心源邁唐虞之至

治

先聖

後聖若合符節故能隆尊聖之典篤重道之心如此其

至也猗歟盛哉微

臣

庸陋仰荷

隆恩慶幸之餘言不盡意然而瞻雲就日恍如身際中

天履厚戴高不禁心馳

北闕敢效賡歌之義用抒葵藿之忱爰拜手稽首而

獻頌曰天生

聖人牖民作則繼往開來與天無息維我

聖皇繼天立極遠紹心傳同符合德

翠華夙駕

臨幸魯國

九拜告虔對越降陟萬世師表九圍是式禮隆恩渥

漸濡聖域睠彼宮牆經營是亟

特頒帑金罔費民力不日成之新廟翼翼

皇子代祭薦馨黍稷璀璨

奎章翠珉載勒

聖謨孔彰

王猷允塞章回雲漢寶同球璧彩煥孔林光生魯璧臣

幸遭逢

王道正直對揚

休命拊蹈匍匐東海汪洋岱宗崩岌

君德師教昭垂萬億

瞻拜

御製御書

孔子廟碑恭紀四律

山東布政使司布政使臣劉 暄

為觀

宸章赴杏壇中宵霜月照征鞍直同待漏天街曉敢避

衝寒驛路難

聖製喬皇攄鳳藻

御書炳煥映龍盤微臣瞻拜昭誠恪日月光華拊舞看

其二

游夏何能贊一詞心源直接帝王師楷模正大
古今少義蘊宏深天地竒孔子以前無拔萃聖
人之後又生知颺言莫罄臣椎魯咫尺

天顏凜廟碑

其三

巍巍龍碣見羹牆寶墨雲箋盡染香

聖蹟聖門傳聖裔天心天道煥

天章體堅質潤紫丹篆鐵畫銀鈎燦碧芒匠石萬年同

不朽近臣從此姓名揚

其四

琳琅閣帖久藏珍得見

龍章迴絕倫神妙筆心原自正天然戈法更能真金函
玉檢如雲煥寶軸牙籤與日新倘得硬黃

頌一紙傳家奕葉戴洪鈞

聖駕東巡親謁

先師於闕里越二年奉

勅賞

御製碑文復往

聖廟建碑刻石欣逢

盛典恭紀一章

工部都水清吏司員外郎臣卞永式

巍巍堯德不可名天地得一皆清寧橐弓發矢

武功定手揭四海開文明圖書龍馬凌波至

玉輅東巡輯五瑞迴

蹕親登闕里堂道源直濬通洙泗淋漓

睿藻何煌煌日星炳曜飛天章龍蹕鳳翥灑

宸翰登三咸五超前王自愧不才同槭棘口啣尺一來

鳧嶧不刻之朶頌德碑獨攜星渚支機石河伯

效順屏翳趨衛河十日長風吹百尺磨崖切雲

漢千鈞厚載連坤維金椎鐵畫工倕手靈鼈鼻

屭蟠蚪蚪繼往開來魯素王長與穹碑同不朽

憶昔弱冠登王衢委蛇出入承明廬曉日濡毫

立螭陞秋風侍獵隨鸞旗何緣盛典還躬遇

帝德師模兩昭布東山差我泰岱高億萬斯年綿

聖祚

恭頌

皇帝臨幸闕里詩

有序

山東兗州府城武縣署教諭舉人

臣

趙于京

康熙二十三年甲子之冬

聖駕東巡道出濟南鹵簿未設惟馬上張

九旂華蓋中使一人前驅臣于京得隨次蒲伏郊迎

上駐驂顧問爾何官臣謹對臣濟南舉人尚未出仕又

問何名臣謹對臣趙于京快睹

天顏有喜須臾

扈從豹尾過萬馬填街巷

上幸灤泉

召舉人臣從在後未及叨侍

宸翰然至今仰瞻

激湍諸寶書草茆微

臣

猶依依

雲霄日月之旁不翅如宋臣蘇軾所云驪珠之分袖

也是日薄暮

上安帳殿於齊河之澣由川道陟泰山留

題日觀峯頭望秩畢

賜高年絹迺

幸闕里入櫺星門止輦以太牢祀

孔子廟庭曠典隆儀古今罕覩

臣

濫竽司鐸仰荷

生成敬製蕪章聊申葵獻

聖代時巡重

鑾輿發禁城岱宗嚴秩祀闕里沐

恩榮豹尾瞻麾仗鷓班扈

聖明豈知蒲伏下

天語問臣名

二

宸翰留泉上榮光燭岱宗九霄施淑雨十月見飛龍

仙仗天門路山呼日觀峯百年鳩杖賜童叟遍喁喁

三

萬乘雲臺駐真尊

帝者師大昕臨類水止

輦聽金絲染帛千官肅軒縣萬舞遲

恩波逮東野從此與榮施

四

百碣維魚在曾無

御墨光

筆牀開芍藥檜殿起

鸞凰

思際雲霄上神從秋水旁
自應聲教訖質子集梯航

五

芝蓋方留廟林原又

賜田河流襟孔域岳色倚

堯天萬葉靈著直千章古木圓但經

行輦處小草亦芋眠

六

陪尾何年濬登臨

御覽寬山龍分道脈海眼出文澗月影旌旗動霜華驟

駟寒澗源今有自星漢五雲端

七

發帑巖

師廟鳩僎取次新風斤來

日下翠甌走天津煥矣勞

皇子巋然禮

聖人請看松栢徑深靚五花勻

八

盛典垂成日從遊

夫子宫雨添洙水潤花亞杏壇紅海岳沾王化耕桑

由

帝功小臣叨外翰珥筆效歌風

康熙甲子歲

駕幸闕里恭紀

江西吉安府知府

臣劉德新

駐驛東山道泰時輝煌鳳德耀龍旗車書一統開

天仗俎豆千秋肅

聖儀花燦杏壇

宸翰麗風飄檜樹慶雲移小臣忻覩兩楹奠仰止斯文

已在茲

六
三
二
一

書
卷
第
一
卷

五

幸魯盛典卷三十八

欽定四庫全書

史部
辛魯盛典卷
三十九
四十

詳校官宗人府丞臣實光鼎

編修臣程嘉謨覆勸

總校官進士臣繆琪

校對官助教臣胡予襄

謄錄監生臣馬步蟾

欽定四庫全書

幸魯盛典卷三十九

聖駕臨幸闕里恭紀

聖恩詩一百韻

一 太子少師襲封衍聖公臣孔毓圻

文治萬千古

神功冠百王
昭回儲玉斗
廣運叶珠囊

鴻業方頻廓
丕基卜永臧
威弧除獫狁
戰艦靖鯨鱣

德比天中盛

恩流海外滂車書同朔漠候尉過氐羌瑞獸馴靈囿珍
禽獻越裳馬牛弛服馭琛賚競梯航至化從箕
畢休徵備雨暘巍巍難可竝蕩蕩莫能詳沐浴

皇風暢謳歌

帝力忘郵隆看已治

軫念尚如傷

盱食恒無逸

宵衣每不遑

量元齊覆載

手自致安攘濬哲謙彌著欽明抑愈彰右文窮學海

稽古發書倉遜志期終始虛懷樂就將拜言宗

夏姒主善法殷商洙泗儒風在春秋教澤長麟

書先紀瑞虹玉晚徵祥汲汲恒忘老栖栖竟舍

藏漫占龍德隱寧問鳳歌狂吾道雖云否斯文

幸未亾六經昏室燭一貫濟川梁運際千年

聖心符數仞牆遂煩

天子駕遠過

素王鄉拜洛堪輝映遊河庶頡頏

巡行時正泰順動月逢陽馳道霓旌出期門羽衛強
夔龍爭扈從褒鄂効勛勳繡陌三驅遠銀河一
帶杭恬波憑竹箭阜俗勸農桑

巡歷句吳徧

迴鑿泰岱旁

六龍雕玉轡八馬赭絲韁

帳殿榮光護

帷宮瑞靄翔清流經汶濟碧嶂指尼防典禮咨宗伯
威儀飭奉常先期虔滌濯經月肄筮簧企望卿
雲近遙占湛露灑和風冬晦暖晴旭曉滄涼齒

苞

金根動葳蕤繡幃張虎賁黃袴褶豹尾綠沉槍會弁
蟻璣燦華翎孔翠揚兆民欣抃舞五氏競趨蹌

鷺序班初合葱珩佩有瑒

豫遊行緩緩

宸眷喜洋洋夙戒棲神宇脩誠候

帝閭闕宮宸乍啓庭燎夜相望月轉觚稜黑烟籠玉碣
蒼導從門左个位設殿中央穆穆

天容泰安安

帝度莊元臣鳴劔珮髦士奉圭璋奕禩尊壘古千秋俎
豆香音容瞻對近左右駿奔忙信以蘋蘩薦馨

傳錡釜湘牲
脍昭博碩黍稷
告豐穰律應雲門
奏聲和嶰谷
篁貫珠成翕繹
拊石協鏗鏘綴兆
舒還疾麾幢
偃復抗金卮
浮桂醕玉瓚
酌椒漿
大祝陳嘉幣
司筵薦吉璜
初行

九拜禮式煥
兩楹光象設
旋披握龍蹲
儼在牀
畫圖
環轍蹟琬琰
撫牆匡

曠典崇師表
隆規邁漢唐

寶跗傳結搆
銀榜倍焯煌

恩撤鈎陳仗榮留

曲蓋黃每教逢盥薦長許侑烝嘗更

御經筵座還

升詩禮堂明新歸至善爻象本乾剛

巽命何諄切臣心倍悚惶遺蹤承

顧問敷奏指微茫老檜如金鐵孤根耐雪霜泉餘寒

井滌杏傍古壇芳漆簡留殘壁丹書缺閉房豐

碑羅鼎鬲傑閣秘縹緗仰被

龍光渥重

臨馬鬣荒已叨

紆日馭更荷

酹霞觥俯仰公西誌徘徊端木塲靈著枝見采文草

蔓經量林內禽知避亭邊楷不僵橈檀分幾種

翠栢擁千章叢少豺狼穴衣無棘刺妨

一人迴顧盼萬彙盡殷昌忝主東家鬯頻膺

北闕慶遭逢真不世

優渥愧難當

褒寵松筠節輝騰棹楔坊

頌詩追雅頌

賜賦陋班楊乍捧豐貂笥兼承獸錦筐精鏐天地寶

秘簡日星芒子姓蒙

甄錄蒐羅到楠棗蠲租先下

詔擴地旋除糧頌溢奎婁野

恩覃上下庠涓埃何以報

高厚固難償
芹獻同田父
葵傾祝我

皇綿綿增

寶歷秩秩衍

銀潢卦定呈龍馬
巢應下鳳凰
太和盈宇宙
景運屬

明良願泛千春酒
恭稱

萬歲觴
謠吟歌有截
舞蹈誦無疆

聖駕臨幸闕里恭紀

聖恩詩五十韻

翰林院世襲五經博士臣孔毓埏

聖代崇文日儒門拜

寵時

躬開一統業

手定太平基

駿業烽烟息

鴻猷日月垂要荒均享貢民物盡恬熙萬國薰風遍

千春湛露滋晞天瓊笈啓稽古縹囊披精一傳

虞舜圖書溯伏羲眷懷勤贊述仰止在防尼吾
道今方振斯文實在茲上元初啓運

東幸展親祠吉日

金根駕初冬

玉勒馳夔龍陪

鳳蓋方虎扈

鸞旗遂歷奎婁野爰經洙泗湄霓旌來霍靡羽衛過

逶迤就

日爭先睹瞻

雲不自持

龍顏何睟穆
蟻悃慰融怡
五氏簪纓集
千官劍佩隨
入

門停

輦轂中道上
堦墀

明德馨香薦
精誠肸蠁知
導和調磬管
致懋託蹲彝
麟
紱尋靈蹟
龍蹲憶異姿
幾年懷杖履
此日接鬚

眉符節心原
合美牆見不疑

一人新賜額萬世共尊師鸞鵲翔銀榜蛟龍起墨池却
臨聞禮處偏與說書宜大學明綱領義經闡繫辭

帝謨申紫綵

御蓋映緇帷已

錫千言賦仍

頒五字詩圖猶鑄琬琰壁尚記金絲比鐵當年檜如

林歷代碑

淵衷深博考

清問備周諮堂釜仍嵩岸龜蒙迴蔽虧何當勞

玉趾重爲

酌金卮湛露濡粉柞卿雲覆維離干霄留古楷聚雪

採神著

曠典從來少

殊恩望外施榮光騰

祖廟流慶及孫枝

賜錦榮何極彈冠喜莫支

秘書分縹帙

大賚發金貨擴地膺

皇澤蠲租戴

聖慈仰窺崇道德寧但荷恩私

帝力誠難報臣心竊自惟兩楹嗟昔夢

九拜邁前規唐宋何堪匹義軒直可追高應侔泰岱

深欲比灘淄葵悃三多頌嵩呼

萬壽期謳歌騰赤縣含哺浹蒼黎

實祚緣無極

瑤圖祿永綏敬抒銜感切善頌愧奚斯

聖駕幸闕里樂府十二章

有序

纂修進士授山西大同府靈丘縣知縣臣金居敬

皇帝釋奠闕里之明年衍聖公孔毓圻上言請勒成

幸魯盛典一書以詔萬世

上可其奏又明年乃以臣居敬等名

聞俾司編緝部檄到臣鄉里臣捧檄慚惶馳詣曲阜祇

事閱二年書成將上臣不揆鄙拙擬爲新樂府
起事終義次序鋪陳共十有二章一章言

皇帝東巡遂

幸闕里也二章言旣

幸闕里行釋奠禮也三章旣釋奠

命聖裔說書也四章言禮成周覽廟庭也五章言復

幸聖林也六章言賜

御製詩留

御仗曲柄蓋以隆

先師也七章言

頒賜於聖裔官陪祀有差免曲阜今年租也八章言
制許設官守衛林廟拓其域兆也九章言

遣親王祀周公錄其後遂及先儒周張之裔也十章言

頌

御書萬世師表四字於天下文廟也十一章言

遣官董治勒碑也十二章言纂修

幸魯盛典告成也臣誠愚昧不足以庶幾古之述者葵
藿之忱不能自已或可以繼康衢擊壤之歌謠

云爾

聖皇若稽古

金輅時東巡望秩禮璋瓚肆覲享桓信采風察幽隱
徧德逮黎民行行指吳會設教

天語諄父老扶杖觀過化俗已淳揚舲渡大江

羽衛轉鈎陳

顧問誦訓氏師表志龍蹲還

蹕經鄒嶧原泉契道真稷門駐

六飛芹藻先知春

帝心祇夙夜祠官戒惟寅

一章

經籍有典祀釋奠

先聖師尼山集大成麟紱端門期宗祊屢改築辟穆

存當時

法駕在齋宮宿設駿司儀奉引導

鹵簿庭燎儼威熹我

皇旣下輦從官行如馳有嚴升獻竿拜興三肅祗雅樂

傳登歌禮器列象犧太常讀祝版自

天親製辭望瘞神歆歆

皇帝受蕃釐

二章

典祀已告備還

幸詩禮堂欲觀聖人後論說宜精詳魯儒悚

天威鵠立

黃案傍虎賁盡聽講階序翼冠裳展書

命敷陳

聖聰達洋洋三綱具八目十翼披首章體用惟一原內

聖而外王

典學亶緝熙虛受來賡颺

天語如春溫嘉獎教澤長

申命諸子弟守先罔不臧

三章

禮成誠已格

聖心重低徊八音聞魯壁六籍出秦灰二千有餘年泉
冽并幕開竒表四十九肖者其誰哉古檜發故
根旋紐如手栽摩挲垂

睿想作賦耀昭回祥符諸贊在屹石立崔巍漢魏及隋
唐碑刻數枚枚惟

聖事師古

垂問及尊壘從茲

一顧恩舊物拂塵埃

四章

天仗出北門雲旗映洙水直視若斧封列栢二三里
榛蕪本自除輦路平如砥

至尊拜稽首酌酒爵再洗文鳥雖喞鳴竒木縱橫理生
著自幽贊植楷從弟子山祇欣望

幸燦然呈衆美瞻言駐蹕亭苔蘚上階祀自從祥符
來寂寥向千祀

皇德乾比崇高標越前軌

五章

大典登喬皇

湛恩施汪濊先後其揆一喜起際交泰

時邁臨魯邦鸞聲載噦噦道古媿軒羲萬年頌嘉會

琳琅

天葩芬葳蕤曲柄蓋篇章昔曾有孰似

聖謨大麾仗昔曾留孰似

今皇賚丹青炳常新函覆極無外榮光燭蓬蓬白雲紛

靄靄還令望氣者瞻仰莫能繪

六章

上天降豐澤人待於下流

賜書出中秘

寶翰煥層樓九章

錫上公蒙茸貂鼠裘四姓與執幡金綺沾渥優中以

好爵縻組綬若若哀爰進諸父老嘉乃服先疇

無出今年租負載休車牛自今勸力穡謹節供

旨羞九陌齊歡呼常願奉

宸遊與天竝巍巍雨施徧遐陬

七章

天子有後命

寵光比進律灑掃給百戶卒史實統率自從建寧來舉
廢待今日禮樂與兵農一命咸

朝秩免溝虛幽宮馬鬣安且吉繁衍祔域兆累累華
表密至仁及骼齒顧此

宸衷恤

制曰增式廓

先聖所貽翼傳之億萬載特書史臣筆

帝紀二十三孔世六十七

章八

承祀間平賢繼絕

大號渙姬文繫乾惕

聖功勤宵旰太極置

御座西銘表

宸翰契合今古同殊數自

聖斷元公啓魯宇未胄負薪嘆二儒修烝嘗青衿奉薦

盥

皇情爲軫惻次第

天書爛新廟載奕奕

睿藻昭雲漢世官奉俎豆胥樂式燕衍連及瀛與闕頌

聲溢壁泮

九章

惟

聖始知聖謚號無庸加開元及祥符制詞罄褒嘉

天言發要奧

綸綺同宣麻

奎章效懸象龍虎勢攫拏拜手揚

天休琢玉籠絳紗恭請

詔天下不敢私一家

帝乃可其奏置郵環海涯殿版燦金薤重簷標丹霞師
儒得縱觀軒車塞闈閣中郎太學碑瑣細不足

夸

十章

粵自唐武德篆刻傳鼎屬迄乎明三宗製辭屬
睿思繕寫付中書曾未親書字

皇帝崇聖師齋沐撰碑記

神腕運八法游藝兼龍穗採山斲貞珉方舟隨水致陸
載還兼兩使華實董治雕鑄出供奉摩畫稱

天意

御亭聳霄漢碧瓦

上方賜穹隆映紫微鎮魯俾昌熾

十一
章

千齡表

聖瑞九域頌

皇猷重道紆

帝車

紫宸臨奎婁中和建有極備至靡前儔草茅克載筆鑽
仰喟末由邃古紀典謨執簡非常流下逮元和
中韓柳揚歌謳兩儀施莫謝二曜譽難侔含毫
幾欲腐掩卷徧諮諏揄揚萬分一昭揭垂

鴻休顧慚多掛漏撫已心恻恻

十二章

纂修

幸魯盛典告成恭紀

纂修官己丑科進士授直隸大名府元城縣知縣臣俞兆曾

昌平勝蹟杏花壇新有縹緗蔚大觀

元后典謨垂萬禩聖人禮樂肅千官麗天日月開金鏡

動地風雲

駐玉鑾一自

時巡多異數至今洙泗日騰歡

其二

望秩燔柴動協時瑞占甲子紀干支殊方玉帛

聯嘉會亘古文章啓

睿思乍見璿杓剛北指喜聞

象輅正東馳岱宗登眺崇禋祀又向尼山敬

帝師

其三

門第東家莫與京高山仰止夙崢嶸生民以後
開天縱列聖相傳集大成虞夏一中推繼統漢
唐羣祀笑紛更吾

皇文教弘敷日直竝當時峻德明

其四

雉尾千霄

萬乘來

龍旗高展五雲開晴融沙草沂流外翠接林亭泗水隈
瑞靄已蒸陪尾岫和風自繞舞雩臺千行鷓鴣

班仍合

帳殿前頭即上台

其五

豹尾舍風

鹵簿陳曉光珠斗燦如銀迎牲捧帛趨羣辟酌醴添

香列近臣

詔定典儀虔九拜禮依贊引獻三巡喜看

盛事超前古讀祝還傳

御製新

其六

鼎鼎邊傍瑞氣多旌旛羽籥自駢羅舞分東列
還西列樂奏咸和與景和金石乍宣俱協律笙
鏞以間各徵歌琴絲靜細調堂上答響時聞動

玉珂

其七

六籍居稽輿義宣每從乙夜展瑤編夙徵海宇
歸文德又進儒生闕

講筵格致修齊端至治剛柔動靜有真詮魯風舊是

明經地却喜賡颺

至聖前

其八

防山毓秀昔曾聞亦有高祠繞紫雲遂以溯源
推孝道特令

遣祀薦鴻文神明陟降昭歆格家學綿長享苾芬追
憶當年鄴邑績淵源景毫歷傳分

其九

大成門啓午風清

天子親瞻廟貌行惟啓昌顏人儼在畫看行教影如生
袞衣章甫今留績彩鳳猗蘭舊有情道統久從
宵旰接宮牆况又覩分明

其十

奎文傑閣俯蒼茫霄漢相連自商皇聳峙遙觀
高泰岱登臨不數昔靈光縹緗舊識藏書地丹
艘還輝秉禮鄉此日

九重頌

御製更從斗柄仰琳琅

其十一

鶴舞蛟蟠

御墨光捧來合殿乍飛香

一人道自相符契萬世師承重闡揚得荷

褒嘉包衆義羣瞻表率大文章勾摹真本

頌蠻序萬國欣依日月傍

其十二

睿藻親裁

幸魯詩光分

御幄錦函披似融海日輪初上如握湘蘭馥更竒精一

微言傳授合勲華盛業後先知

瑤篇捧誦鏗鏘處

聖學心傳慶在茲

其十三

五色雲移赭繖飄

錫將曲柄勝瓊瑤
經頌解義紛
緹帙金賚諸儒出
絳霄
盤就鈿窠榮綺毳
量來玉尺有豐貂

絲綸又見褒賢母
節竝松筠

御筆邀

其十四

抃舞歡呼溢聖門
又頒

特典到諸孫
非因陪祀勞
宜恤只爲承先道
自尊層次

班行分

簡擢連翩官秩拜

殊恩正供復有蠲除詔闔邑窮簷盡飽溫

其十五

元公德業繼前徽東野支存久式微苗裔忽教
遵職守馨香自是得憑依舊將絕學承三代新
有榮光示九畿別著西銘圖太極

聖恩一樣出綸扉

其十六

鳳毛熠燿話林形
依嶽環河識地靈
蒼草尚盈牆外壠
楷枝還對碣前亭
祥雲變隼

鸞旗賁佳氣
龍嵒

玉輦停洙水
橋邊承

德澤思堂享
殿展重扃

其十七

穹碑採石自西山
記載

親臨

宸翰頒詞藻迴超謨誥外筆鋒遠邁晉唐間儒林瞻仰

真璀璨

勅使傳宣數往還別有弘文崇亞聖一時有喜動

天顏

其十八

複道層簷制度雄重新殿宇更崇隆

特頒

內帑當三伏旋起高甍走百工畫棟文槐增燦爛瓊窗
駕瑣各玲瓏誰知

玉輦經臨後便得昭垂萬古功

其十九

經始纔看月五圓告成便爾達

堯天仍修祀典勞

麟趾獲覲星光煥壁躔洙水淪漪清映月尼山翠嶺
翠生烟欣逢梁棟維新處疊奏宮商進豆邊

其二十

帝德光昭久誕敷式垂

令典是崇儒

聖神功化真魏煥

濬哲文明共感孚四海承風歸雅化萬年有祐卜禎符

小臣珥筆尤蒙

澤威鳳遙瞻集

帝梧

纂修

幸魯盛典告成恭紀四十韻

纂修舉人候補內閣中書舍人臣叢克敬

道統尊

宣聖心源接我

皇後先如合節今昔永相望鐘鼓斯文振星雲世會昌

絃歌懷往蹟

鹵簿飭嚴裝遂

幸昌平地因來闕里堂從容詢犧象儼恪見羹牆撫栢
霜花老登壇杏樹荒入門趨殿陞啓幙識冠裳
鉅典咨宗伯隆儀命太常顚然陳俎豆肅若捧

圭璋

九拜宗師禮千官侍

寵光爐烟浮藻火雕管煥龍章已

賜天書紫還留

御蓋黃覆燾乾合德帡庇地無疆古碣尋雷篆豐碑

破蘚蒼西京文憶漢北海字稱唐稽古情逾切
談經意轉長孔融陪講席穎達倒書倉再見祥
麟吐疑開舊壁藏諸生仍魯國六籍總周行更
念棲神域旋過封鬣傍故林田復闢幽契禮重
將

駐蹕收名勝

摘華集縹緗珊瑚應作架玳瑁合爲牀百尺蟠螭麗
連篇繡虎強鑄珉元聖廟鏤玉子輿鄉大義同

謨誥微言剖混茫詩成追雅頌賦就壓王揚
機杼從仙室烟霞出

上方西清饒琬琰東觀滿琳瑯盛事難枚舉
休時待拜颺分曹披卷帙珥筆頌

君王恍對承明草曾非著作郎校讎窮日夕
編次挹芬芳終笑儒冠拙寧將

帝德忘看山慚蟻蛭觀海失滄浪入夢隨

仙仗臨風想珮鏘蕪詞杼草莽信史紀巖廊
拜手呈

中秘齋心進未央小臣依未照衣袖染芸香

幸魯盛典告成恭頌

有序

纂修舉人候補內閣中書舍人臣叢克敬

欽惟

皇帝御極以來六合清寧八荒懷保

揆文奮武表大地於同風

厚澤深仁廣敷天之化雨

御經筵而日講闡十六字之精微分史乘以年編紹千

百王之統緒

執中建極治軼唐虞

講學明倫道宗鄒魯謂開萬古之正學功在尼山集
千聖之大成教尊闕里雖辟雍將享禮時舉於
春秋然杖履憑依神每棲於洙泗溯龍蹲之遺
澤有事觀風念鳳德之餘徽因思展義歲惟甲
子序叶應鐘

詔宗伯以陳儀

命廷臣而稽古燔柴而修望秩禮必有加釋奠而致親
臨典惟求備諏辰叶吉雷動雲行紫綬金章捧
鸞旗於北斗黃童白叟迎

鳳輦於東山歡聲溢乎魯郊瑞靄凝於聖域覩尼防
而緩轡勿事傳呼觀井里而

霽顏式昭泮奐不驚徒御止

警蹕於前驅緬想音徽儼羹牆於

行在

一人凜夫穆齊宿維虔百職效夫蹠蹠斯朝匪懈飭
先時而習禮官遣奉常壯曠世之閱觀器攜國
學省牲視鑊先歲庀於在官唱樂典儀必靖共
而效職備百王之禮器非徒夏鼎商彝奏六代
之樂章不啻金聲玉振自

先師而至四配以等為差由

啓聖而及諸賢分班以獻迨所司之告具慰我

后以思成

駕步輦而戴星冕旒十二伏行宮而迎日鷓鷯三千觀
天子之光鳴鑾而肅觀聽近聖人之地下輦而致虔恭
導從歷階鳴玉著恪誠之度肅雍就位秉珪昭
明信之忱忘

萬乘之尊禮隆九拜致兩楹之奠爵獻三漿薦至治之
馨香溢於黍稷豆籩之表殫

宸衷之蠲潔存乎罇罍犧象之先蓋心以傳心旣感孚
之有本斯

聖能格聖儼靈爽之式憑上考漢王惟聞太牢之享遞
及宋室祇行再拜之文今我

皇之殊禮有加視往代之成規獨盛傳之典冊紀創見
夫

天朝播諸膠庠覩隆儀於泮壁旣享祀而成大典復臨
詩禮之堂更講貫而采微言逮及子弟之俊聖
經周易契

帝德之高深修行立心拜

天言之諄誨研思贊頌聿宣四字

王綸昭示臣隣煥發五言

睿藻揮

宸翰以崇師表慶溢黌門留

御蓋以奉廟庭光生雕俎覩參天之石碣篆籀攸存倚

拔地之檜柯栝椽欲接愾乎挹音容於几席入

室登堂優然觀服物於門庭護車拭履已頌

龍德增重宮牆更戒

鸞輿載觀林寢式行拜酌之禮還申昭假之思著草
成叢引易而恢義蘊楷株交蔭撫木而任摩沙
蓋由隆禮儒宗故每留心手澤至於佳城鬱鬱
酌樽而壯馬鬣之封子姓翩翩賜服而絢龍章
之彩褒伊壽母榮重絲綸恤彼雲孫廣均賚子
陪祠子弟敘許從優應講生徒人咸子秩念聖
人之後思莫隆焉逮羣哲之裔澤斯長矣洎禮
成而樂備

六御言旋乃典學而右文

九重彌切鑄西山之佳石辭炳日星建東魯之豐碑輦
從水陸相陰陽而位置門左聳千仞之峰揮翰
墨而表章石上透五花之筆更思道統攸寄必
當廟貌維新

賜內府之棟梁

命官董治美聖人之輪奐擇日經營杞梓楩楠我任我
輦東西南朔是度是京聿成輦飛鳥革之觀丹

楹刻栢大壯鳧繹龜蒙之望射日干雲

特遣燾土苴茅虔將圭璧

御製赤文綠字代致几筵在

聖朝之重道崇師無以加矣而孔氏之戴高履厚寧有

謏焉粵自

聖恩巡幸之年虔申

盛典纂修之請深蒙

優詔俯慰蠲誠乃

命儒生以充纂局給太常之紙筆考古爲榮捧

天子之文章成編有耀欣瞻

聖藻盡頒示於孔庭恭際

皇猷咸大書於史冊誠遭逢於不世洵揚扈之無疆臣

克敬猥以菲材荷分討緝膺茲重任殫厥勤劬
心竊愧夫三長頌莫罄乎

九陞歲華屢閱惟操槩於杏壇儕侶旣稀謹然膏於泗
水載言載事經十五年可法可傳成四十卷耳

聞目見固已炳蔚簡編

文德武功允克昭回雲漢

聲靈揚於西北沙漠肅清

巡狩歷夫東南海隅沾被遠踰天外近在地中無不
服教畏神歡騰萬宇亦各歌功頌德澤徧烝民
欣沾無外之

皇仁適遇告成夫

帝典敢效康衢之擊壤敬躋

丹陛以陳詞頌曰

維天眷德篤生我

皇清寧合撰日月齊光聲靈赫濯愷澤汪洋堯舜文武
祖述憲章欽崇聖道心契素王萬邦俎豆羣祀

宮牆

禮隆北闕聖仰東方秉木鐸教思夫子鄉歲屆上元
辰諏吉日金風初動玉露乍結百穀既堅千耦

咸鉉

巡方有事

深宮無逸先

頒肆赦廣揚

大德夙駕倌人屆於魯國五氏鳧迎千官鵠立柴望

岱宗奠陳聖域赤刀陳寶天球河圖牲牲既卜

越席是敷樂傳太學庖進

御厨庶司百職竭蹶奔趨有榮宗廟襄事庭除觀瞻大
壯誠信中孚先期滌濯昧爽勤劬前驅鵷鷺扈

從

鑿輿

法駕龍飛孔門鳳峙馭止金根步勤

玉趾歷階而升肅恭拜起如在左右如臨尺咫禮明樂
備謹終慎始有加肅雍無或跛倚庭羅助祭門
列觀禮祀事孔明莫不悅喜大祭既竣爰啓

經筵材選孔氏進講

御前理陳格致義闡先天來咨來茹先聖先賢箕裘弓

治探索本源榮分五服職襲萬年

親加誠勉均

賜陶甄率由祖訓恪守家傳

帝曰臣哉子其告汝凡厥聖王道尊尼父繫惟黃蓋留
耀東魯觀壯四時先生兩廡更揮

睿翰懸茲門宇言重

絲綸頒行庠序巨筆鴻文黃鐘大呂

一人立極萬邦作覩

念爾先澤來汝後人相

子流覽遺蹟敷陳像瞻赫赫教溯循循斑爛古碣厯落
奇珍經傳函大樹植嶙峋水流清冽池漾藻蘋
誕思五老書憶蒼麟從容

顧問和色怡神巍巍孔林魯城之北瓪甃攸封深藏虹
玉祖德抱孫家風聚族木有壽瘿草堪筮卜馬
鬣地增虬枝手掬遇物徘徊推

恩肫篤派衍聖門廩賜天祿小大稽首聲撼陵谷百禮

既至

乘輿乃還廟新棖栢帑發金錢木撤殿陛石運鏤鐫爰
命維城釋奠几筵

宸章麗日

聖德敷天四氏百族接踵摩肩纂修入告躑躅爭先

天子曰可尚其勉旃草茅下士書思珥筆學慚固陋敬

凜戰慄際會休明內外寧謐薄伐時巡文謨武

烈黼黻太平報稱萬一多厯歲時差分卷帙煌

煌

聖恩與天罔極億萬斯年永垂金石

幸魯盛典卷三十九

欽定四庫全書

幸魯盛典卷四十

皇帝幸闕里頌

有序

纂修舉人中成辰科進士授翰林院庶吉士

臣孫致彌

於惟我

皇上之御極也丕振武功聿昭文德平成天地肅穆邇遐握玉鏡於

九重運金輪乎八表化達黃支之國威行紫石之區坤

載乾憐汪洋

帝澤賁文渙號彪炳

王章順月令以課三鼓薰風而吹萬凡屬含靈負氣靡
不華祝嵩呼駕禹軼湯十堯九舜生斯世者何
其幸乎猶念從古聖人敬求民瘼自來誼辟首
重時巡迺於今之二十三年甲子粵稽舊制

命彼倌人飭鹵簿戒軒車石鎧犀衣天行而雷動翠華
金羽日麗而風高燕樹送旌岱雲迎蓋碧漲齊

南之海青來吳下之山詢苦問勞咨寒恤雨百
年父老喜覩

天顏十月黍苗重吹煖律旋回

鑿於東國因有事於泰山制做圜丘躬行柴望媿虞
書之告祭陋漢代之封泥此已度越百王昭垂
萬禩者矣若乃歷昌平之里幸洙泗之堂觀車
服而神怡撫宮牆而心寫虔修祀典肅若朝常
雍雍乎瞻拜之容穆穆乎顛印之度太常典樂

宗伯司儀位列千官喜覲

龍光於俎豆禮嚴九拜兼陳

鳳蓋於廟庭榮詎止於一家

恩竝沾於五氏豈若漢高幸魯惟設太牢宋主尊師祇
同祭菜至於豐碑刻玉古殿題雲鐵畫銀鈎映
奎婁而耀彩文源學海摘星漢以爲章勒銘元
聖之祠灑翰子輿之廟詞無假於雕琢義總契
於聖賢若夫紀勝泉林波流五色賦成古檜枝

潤千秋錦迴天上之機玉出崑崙之圃蓋由

聖功淵粹斯潑墨而爲珠加以

睿藻夙成自即心而印月臣草茅下士章句小儒才非

博望而泛槎學愧桓榮之稽古謬邀

眷注竊附編摩莫伸秣馬之忱少效輿人之頌其辭曰

赫哉我

皇奠茲區宇陟彼泰山駕於東魯豈曰豫遊爰咨疾苦

仁被宗邦風漸率土戶聽絃歌民多含哺世樂

義皇

帝思尼父載肅冠裳用陳樽俎釋奠一堂分官兩廡曠
典自今隆儀邁古刻石輝煌援毫飛舞日燦龍
章霞凝鳳羽呵叱齊梁鞭笞燕許永勒臣心長
懷

天語幸際昌期欣瞻盛舉迺輯珠林旁搜玉府晨夕校
讐錯綜參伍保世琳琅醒愚鐘鼓

天子無疆斯文有主

御製讚

有序

纂修副榜貢生臣葉混

竊以結繩既邈書契聿新運闢文明世離草昧
或拜圖乎姑射或訪道於崆峒十六字之相傳
重華繼體五百年而一見三代迭興然而典謨
出自史臣訓誥不聞手製秦世徒誇功德古篆
何繁漢宮競賞文詞流風日替千秋響絕疇吹
六經百代音遙空懸一綫非聖人之首出將道

統其終衰欽惟我

皇上

光麗日精

睿涵珠海既

登三而咸五復

作聖而述明虎觀談經治兼乎教石渠集講

君即爲師回氣化於中天啓昏蒙而復旦昆蟲草木均

沐

光華河嶽星辰不踰指掌蓋由百世之後僅見
一人猶念自生民來未有

孔子

幸祖庭而釋奠揮

宸翰而書碑

文自天來重見玉書之瑞

思由神運遠符丹甃之文勒以貞珉鸞審鳳舞載之貝
闕
屬斗轉星回若乃

詩賦五言念兩楹之俎豆

額題四字肅萬世之觀瞻律不數乎三唐法更超於
八體寶作西清之本珍爲東觀之藏若夫教孝

作忠

褒語慰陳情之表溯源推本

鴻文陳啓聖之筵華袞增榮球圖竝貴至於姬公世
遠舊止列於功臣孟氏風遙或興嗟於廟貌

皇上則眷懷往聖摘

鳳藻以告虔遐企先賢製

龍章而鑄石斯皆右文之至意抑亦重道之深心然復
托興泉林宛若在川之日留情古檜悠然手植
之年

迴綺縠於毫端

灑霜花於腕下斯又太微之餘照遠徹青冥學海之
波瀾皆成紫氣者也臣才慚五至學媿一經念
先臣惟蓋之

恩未謀報効荷

聖主菲葑之采竊與編摩瞻依

宸翰之樓仰止奎文之閣逐名儒而紀載脫手皆珠珥
綵筆以校讐盈箱貯玉彌深贊歎莫罄揄揚乃
爲之讚曰

一中建極無怠無斁

天子之德柴望岱宗泣於魯東

天子之功鵠峙鷹舒下抑蟲魚

天子之書子雲才挫馬卿却步

天子之賦風雅驅馳涕唾浮詞

天子之詩勒成班史傳之闕里光昭萬紀

恭紀

幸魯八章

有序

候選小京職陞貴州都勻府知府臣沙汝洛

歲在甲子十有一月

皇上南巡還過闕里

躬謁

聖廟釋奠禮成遂

允衍聖公請倣古左史記事右史記言例纂輯

幸魯盛典一書以紀典禮垂諸萬世

臣汝洛時以小京

職需次銓部謬蒙遴採俾廁編纂之末誠千載
一遇也同時內外臣工咸有詩文頌賦斐然成

帙竊念先臣禮部尚書

臣澄曾沐

兩朝知遇典禮明光多歷年所未得躬逢斯盛

臣何人

斯乃獲親遘人身與編摩私竊慶幸不揣蕪鄙
續述五言八章以誌遭逢之盛其詞曰

君師同一揆至道協千秋寤寐羹牆切寅清釋奠修黃
虞今再見姬漢未堪儔桂海冰天地聞風歌豫

遊右一

尊師臨禹甸

稽古省虞方寰宇沾春澤氓黎覲耿光

六龍迴指顧萬國走梯航

過化存神處江山氣脈長

右二

漢祖曾親祀唐宗亦賦詩禮儀猶闕畧道統未

深知

後聖遙相待斯文允在茲穆然如感格千載接心期

三

玉振金聲地欣瞻賁

乘輿槐陰曾拭履檜影憶修書龍鳥殷楹古松楸漢殿

虛今朝傳

警蹕萬姓喜何如

右四

至誠將裸獻登降不辭勞曠典欣殊遇隆儀豈易遭捧

尊翔劍珮秉翟舞宮袍直是均

郊祀何論薦太牢

右五

杏壇千古後重覩

講筵開問禮諸儒集傳經五氏來

璇題雲燦爛

翰藻景昭回捧

賜成都綺俱由

內府裁

右六

既展麟書宅仍

詢馬鬣封聖孫皆扈從

天語更雍容古楷籠暄日靈著秀暮冬

恩膏垂注渥草木被尤濃

右七

錫爵元公裔題碑亞聖宮

宸遊時啓泰望古意何窮拱極星俱北崇文日正中我

皇垂制作聖道萬年豐

右八

皇帝東巡還幸闕里效栢梁體一首

纂

修

貢

生

章

緯

昊穹生民邃古初至治之極稱唐虞時邁望秩

垂詩書

今皇繼天膺龍圖東西朔南德誕敷珙球萬國歸鴻臚
么麼負固逞斯須以懲弗恪張威弧四表八荒
皆宴如昇平嘉會

賜大酺

宸衷猶厯如予辜乃

命太馭駕

金輿省方觀民祇訐謨上升介丘下東吳移易風俗
回槁枯億兆黎庶興歌歆

法駕幸魯崇師儒和序禮樂始陳鋪戒眎滌濯宿馳
趨牲盛醴齊豐

天厨豆登銅簋尊勺觚宮懸升歌九奏餘興拜奠獻

默契符

異數渥恩視古踰

清蹕晝迴臨泗洙望

幸捧蕪會自除桂醕三沃馬鬣濡說經

帝前歌鳳雛駿奔走皆受祿糈拜

賜稽首山三呼更瞻大庭念碩膚作廟繼世明禋俱
雲章天藻德輝舒雕鏤刻畫如盤孟龍升螭蟠首與趺
暉耀萬世啓蒙愚懷握鉛槧常躊躇小才迫窘

敢自誣

聖駕東巡賦

有序

纂修增廣生員臣曹晃

歲當甲子運際上元

皇帝御極二十有三載纂承丕基恢張弘烈域外同軌
逾朔南而暨訖海隅出日奉聲教以來庭寰寓
又安黎庶樂業五兵試而仍戢百工撫而受成
勲被隆古至德無名仁風行以莫圉大化馳而

若神萬類咸亨四方從欲畫地之令幾措生齒
之籍日繁

皇上猶復宵旰不遑時幾待勅念典訪落貞憲考度所
以一道德而同風俗者日厯於慮茲鑒虞氏歲
巡之義諷成周時邁之什減省儀衛十月

東巡狩至於秦岱爰沂淮沂旋

躡京江觀風廣魯以次

周覽山川風物河渠吏民利便竊見垂白之叟扶杖

來觀攸徂之衆室家相慶競望塵而拜舞咸擁
道以瞻依感激奔迎覲光恐後彌山盈谷千里
接蹟此則振古所未有而

帝德之入人者至矣臣以弁鄙寒生授經孔宅恭逢
法駕臨幸宮牆懾伏客館之間景附園橋之末

御爐之香如攜滿袖臚贊之唱恍隔層霄偕熙皞以
神遊企都俞而慨慕因念王臣率土孰無愛戴
之忱野老山農共效媚茲之祝則夫上紀

省方之駕下杼筮后之情以補風謠述

盛典毋亦草茅之分誼而稽古者之事也乃拜手稽首而作賦曰

粵我

皇清之受

顯命也基積累以函夏握璇符以承乾跨八統以宅土
規億載而卜年下武開哲王之運

上聖秉天縱之全維我

聖皇備五行之秀氣邁三皇之英風錫勇智以表正克
寬仁以宅衷至德則包含乎天地文明則暉麗
乎日月高世主以爲量間千祀而挺哲致湯湯
之上理扇巍巍之茂烈本睿思之昭濬愈兢業
以緝熙毖祗台於德先勵明作以圖幾往敷求
於載籍措豫大於規爲而且日旰尚食未明求
衣聽鸞聲於靈黷開閭闔於熹微問寢

兩宮之上求寧兆姓之依謹杪忽於盤匝矚幽遐於戶庭

聰無遠而不察物無細而不呈時下車而解網
頻蠲租以省耕自文法之易簡底王道之蕩平
清風穆於辰拱淳化希於登闕乃當順則之年
克著詰戎之畧在昔合宮之世而蚩尤弄兵總
期之朝而有苗勿格事常見於盛隆功每成於
盤錯况乎桂林象郡之山川金馬碧雞之疆索
遲王會於防風阻聲靈於莊蹻是天所以昭
聖武而奠萬億禩丕基於無垓也

天子赫焉斯怒清問下氓驥禁旅以張討閩蘭錡以陳
兵策虎臣以制閩選曠騎而長征塞滇黔之門
戶樹閩粵之風聲雲霓萬姓之望壺漿千里之
迎決機智霍迅掃輶甸與夫戈船下瀨之師鶴
鵝橫江之陣三千屬犀之甲十萬迎鋒之刃既
渡漢而西擊復踰湖而南躡舉炎火以煇飛蓬
之野殷疾雷而下層雲之峻五里之毒霧安施
長鬣之餘皇不進掩櫓槍之星芒築鯨鯢於一

瞬是皆方畧授於

聖衷機宜由於

廟算息銅鼓於邛僊洗兵氣於沔漢平淮藉韓愈之碑

諭蜀有相如之翰洵

睿照之如神鞏

皇圖於清晏更若臺灣之島一旅炎海之浪千尋依龜

鼉於浦溆恃宵冥於山林鼓鯨波而噴薄狎颶

風以浮沉自負固於往昔遂偷生以至今爾其

乘凱旋之勝勢蕩廓清之餘烈檄偏師以迴戈
亂衆流而飛雪乘長風以破浪下樓船而橫絕
挽勁弩以射潮跨滄溟而浴鐵將平海若之宮
待泣鮫人之穴試昆明之水戰奪廈門之壁壘
天兵虜於重圍

帝德動其改悔爰率土以來歸亦輪誠而自劾免田橫
之一軍釋尉佗之前罪祠冠帶於春秋紀職方
於青海建王官以控扼開文物之洋洋列都城

於百雉通潮汐之湯湯一尉候於濠汜合車書
於莽蒼截海之外未臣之荒重譯侍子稽顙來
王願陳玉帛爭效梯航於斯時也載戢干戈載
縶弓矢偃革辭軒銷兵罷錡

天子欲優柔吾民而登上理也開明堂考辟靡被禮義
爲采章徧弦誦於鼓鐘遙集圖書之囿裒益道
德之叢本權輿於

宸志自雲靡於聖風

卷之二
細旃午夜之間緹帷清燕之中繙經論治書笏珥彤
親校讐於奧義渙汗簡於發蒙徵宇內之散佚輯

寶訓之龐鴻北門待詔之廬東觀論經之室栢梁廢歌
之辰西苑從遊之日莫不玉潤金聲披文相質
凡以敷豈弟之遺蘊發詩書之華實博求於風
雅進退於官聯懸異格以升俊苟寸長之畢甄
闢四門之穆穆賁丘園之彣彣誠立賢以無方
若取燧而挹淵流

湛恩而汪濊被令德以勤宣庠校蔚興而廣厲桑麻彌
望而綿芋戶封淳樸之俗野虛亭障之烟清和
咸理庶徵靡愆際昌期之希邁更何羨乎堯年
若夫醴泉甘露之徵遊囿鳴郊之瑞事雖有而
莫書不足爲

聖朝之異在

廷諸臣乃相與考故實尊

隆號以歲符元會

上宜修前代之禮於岱宗以告成功答休美且天下東

西朔南望

屬車之塵者久矣

天子却而未俞顧而彌讓斥封禪之文夸懷遊豫之音

曠罷登巒之禎符行覲嶽之柴望從省方而採

風一衡律與軌量瞻泰岱之寵從覽河漕之漑

養試牧伯之敷陳察民艱之情狀信

鑿與之所經舉明禋以答貺復曠古之高躅允

皇情之遐暢於是

德音颺發渙號星馳

乘輿所過補助勤施東南民力

帝曰子咨減於秋稅以恤其私維夫

行在儲侍所資百官服御各庀其司六師於邁民弗

與知毋擾秋毫勿避車旗爾乃諏吉日以戒途

乘農隙之云暮簡七校以前驅肅千官而佩璐

結魚麗於廣涂驤龍驥於天步霓旌靡而山搖

翠幕蔚其雲布凌高行以軼塵望天門而振輅
臻於岱麓爰修祀定昭事之上儀答三靈之
蕃祉是日也躋雲關之軼蕩眺日觀之峻增徑
路盤紆丹霞初升碧霄疑近羣山若鷹憑高而
小天下陟嶺而懷素王軼浮景而下視灑

宸翰於穹蒼

勅雲峯之傑構表勝迹於層岡既事畢而功弘迺輯瑞
於東方由是竝河而南沂淮而上縱鷁首以御

風撫輕舟而乘漲胥擊汰以揚舲亦迴波而停
仗回江左之鶯花閱南藩之屏障黃龍煙邁青
雀雲連冰湖流澌寒江澄鮮吳頭星紀楚尾衡
聯甃社之珠淵渾沸竹西之歌吹駢闐京口之
江潮暮暮吳閶之煙月年年邀

君王之一顧山川絢其增妍數軍實於茂苑萃前驅於
白門攬建業之形勝洵既庶而且繁久漸摩於
道德使華靡之漸敦變石城之游冶歇塵尾之

清言俯六朝之遺迹展前代之林園迅

回鑿以遄行越良常而信宿會日月於龍虬躡景光
於川陸度夕陽於綠疇驗幽風於茅屋引高年
於

外朝察邇言於空谷欲起瀕河之田務決下流之瀆
亟斯人室家之故而圖之惟恐不速也南歷江
淮東由兗冀於六甸之間邁四州之地焱風雲
兮景從出塵墟兮遐指屬寒卉兮輦道起遙岑

兮豹尾回凜烈兮如春護輕霞兮似綺探古蹟
兮寥廓選名勝兮片晷染柔翰兮

御墨香題片言兮烟巒紫校車攻兮菟苗緯河山兮圖

史瞻

雕輿兮蒼螭盼

翠蓋兮鳳翅望

五雲兮翹首覩

九旂兮辟易咸讐伏奔駭而莫敢仰視兮亦鱗布迅

奮而不敢避也勞父老兮繒帛來兒童兮擎蹠
川原彌兮成塵闐闐溢兮如市紛拏舞而歡呼競
倚裳而連襪彼衢壤兮未聞湫黃軒兮奚致若
夫自吳都而

旋踵望宗魯而迴輿瀕陪尾之清湍經昌平之里閭
緬遺踪而仰止弭

玉節而回紆

帳殿巍峩以星拱

齋宮肅穆以高居日幢隴以始升風翕習而微噓寂
萬籟以無聲發賁鏞而震區鳴和鸞於樞星之

內降

玉輅於奎文之廬豆籩之陳旅旅劓籥之侶與與九
拜之儀穆穆三獻之爵徐徐儼羹牆之若接猶
陟降於清虛留

芝蓋於法座懸中雷之

御書煥道德於億祀昭顯融於庭除祀典斯成

聖容既舒於是

陟詩禮之遺庭進師儒而

命講設

黃幄以深嚴沛

綸音於高朗九賓森其階列兩制肅而咸仰示敦勉於
後裔錄才雋於草莽錫袞衣於

尚方出朱提於

內帑舉

玉趾以循牆溯當年之講席愴恍兮侍坐之堂晝霽兮
燕居之宅杏壇之臺彌高丹甕之書似漆臨井
幹兮苔青漱古泉兮鏡碧陳刪述兮端門聆金
絲兮虛壁列石碣兮如林環繚垣兮樹戟撫遺
檜以盤桓景文明於手澤挺堅貞兮凌霜將歲
蕤兮化石幾徘徊於路寢彌嘉賞於陳迹乃復
稅

駕魯城之北道經陋巷之門望林垆之翁鬱繫歸藏

之爰存輶免溝之古道縈洙流之靈源既杳邈
而若谷結神明以爲園僂享堂之肸鬯薦泮水
之芹繁訖禮儀之既具發

皇覽而靡竟祥符駐蹕之亭端木墟廬之徑林無宿鳥
之鳴著有全爻之蘊曠軌轍以時遐建旌旗而
山震當

至尊之式臨煥斯文之景運迨事竣以

回鑿答凝承之

休命合區宇以咸歡歷曩今而共慶於是含哺鼓腹之
儔起而言曰在昔軒轅有襄城之駕帝堯至姑
射之阿篋乎邈矣若後世汾陰望幸之年社首
登封之事見於載籍未必爲萬民也至夫虞氏
成周巡狩之儀莫有倣而行之者今我

皇上敬天勤民尊聖樂道復曠古之盛典繼省方之遐
躅生其時遊其世獲覩

天子車旗采章沐浴

德教恩澤如天之高靡所不覆
疇如地之廣靡所不洽

育皇王之迹殊矣神人之願
愜矣過闕里祀孔

子亦巡行所及云爾

恭紀

幸魯盛典告成十韻

欽授二品冠服衍聖公長子臣孔傳鐸

焚香秉几閱瑤編彷彿金聲
擲自天綠字赤文

成此日

翠華仙仗記當年
道心想見宸心契
祖澤長蒙

帝澤宣

顧問杏壇頻太息
手攀遺檜一周旋
鸞旂半駐園橋外
講幄曾開舊宅邊
採納遂兼風十五
雍容看奏禮三千
鴈行鷺序如聯翼
聖裔賢孫得竝肩
異數特留隨輦蓋
新恩仍擴護林田
即今廟貌輝丹雘
千古穹碑矗紫烟
未系自慙無報答
夢魂長遶玉階前

恭紀

幸魯盛典告成二十韻

翰林院世襲五經博士加九級臣孔傳誌

神禹觀河日虞姚望嶽年典非今代始禮邁百

王先

玉輅來殷地霓旌下蔽天蒙皂增紫氣洙泗湧青蓮

顧問藏經壁

親臨釋菜籩摩沙壇畔檜泂酌宅中泉聖裔均蒙召賢

孫畢至前鵷鴻方肅穆章布得聯翩講論乾坤
闢標題日月懸萬邦咸悅矣吾道卜昌焉

法駕回鑾去詞臣載筆旋汗青當有述金石可勝鐫

詔許羅英俊官仍授簡牋一堂勤校勘十載費丹鉛麗

澤言難罄

淵衷想粹然唐槐留

輦路漢栢拱

經筵苗裔沾恩大家門拜賜虔總教書萬帙難紀禮

三千沆瀣研珠滴
薔薇盥手鮮小臣沾

帝力拜舞誦瑤篇

甲子仲冬

聖駕幸魯恭紀闕里禮成

任以儒生獲侍

經筵紀盛排律一章

戶部廣東清吏司員外郎臣孔尚任

鳳曆開先甲葭灰動早陽
人歌年豫泰天祚

帝遐昌問俗來東土
尊師過孔堂風雲從劍佩
星漢覩

文章宛轉鸞旗拂容與翠葆張齋宮神靜穆露
冕意彷徨贊幣馳天使酌齊出上方一牢牲比
漢九拜禮超唐臣庶陪敷奏曾孫事裸將儼然
憑杖几肅爾對冠裳玉笋擎時重衮衣覆處香
明庭羅羽籥古壁發笙簧六代宮懸備兩階象
舞詳升中儀卒度竣事敬無忘榮及羣賢席光
生數仞牆昭垂歸柱下觀聽集橋傍殿日紅霞
麗壇松碧影長經筵親咫尺講位出班行盛典

逢非偶曲儒喜若狂欲裁三大賦詞陋媿抒揚
駕詣闕里恭紀

候 選 知 縣 臣 張 拱 樞

盛世紹中天唐虞精一傳崇儒超漢代重道述文宣
哲后巡方日羣黎戴

聖年堯雲沂水上舜日杏壇邊

謁廟隆

先聖尊師啓後賢松楸沾雨露檜栢起蜿蜒侍從冠

裳肅臣工拜舞度榮光分七十褒寵竝三千式
履約絲古觀車輪輻堅詩書垂遠澤禮樂觀遺

編

睿製豐碑燦

龍章彩額懸芳徽光史冊梨棗勒郵篇海宇同文治謳
吟叶管絃蓀荃迎

御輦洙泗出甘泉造化中和贊

宸遊補助全

皇猷難頌述大寶永乘乾

康熙二十三年十一月

聖駕幸曲阜釋奠

先師恭頌

候選州同知臣許永

萬乘東巡日隆冬

幸魯時風光迎象輅旭影耀龍旗既陟尼山麓還經

泗水湄告虔瞻闕里夙戒具駢犧清酌烝杯斝

和羹列鼎羹笙鏞陳雅奏裸獻覩

隆儀對越千官肅趨蹌百辟隨月臨

天仗皎露滴杏壇滋庭燎輝蒼栢爐烟散玉墀思成
欽止敬終祀不知疲

典禮超前代尊崇表

帝師鑾儀留

御蓋

宸翰灑新詩紀事仍編錄

鴻章復樹碑敷天傳翰墨千古仰昭垂

睿質惟敦敏

深宮備考慈右文勤宥密至治進無爲

道接精微統

心傳一貫遺巡遊施補助政教凜綱維

曠典隆今日愚生洽頌私作人歌壽考重道際昌期

駕詣闕里恭紀

候

選

縣

丞臣張廷玫

聖主崇文治

鸞輿泣杏壇尊師超百代陪祀肅千官
享薦駢犧潔恩榮雨露溥弘規修闕殿

睿藻染柔翰

華蓋彤墀覆香風古檜盤天雞鳴日下僊
樂奏雲端御墨傳鴻寶豐碑樹鉅觀陽和
隨地布父老擁塗看禮洽千秋盛聲騰萬
國歡瞻

天齊拜手蕩蕩頌誠難

駕幸闕里恭紀一章

候選州同知臣馮暹

鑿儀簇仗戾山東共仰

龍飛霄漢中漫擬成周歌泮奭遠逾黃帝訪崆峒偃
戈正值車書盛奠鼎難忘禮樂功

紫極崇文真莫尚

素王作則自無窮天開甲子逢熙皞地湧尼山見鬱
蔥萬乘景從垂化雨一時踰濟肅羣工非關菜

奠停仙蹕爲慕羹牆訪故宮古檜千霄搖瑞旭
靈著傍

袞拂仁風恍聞畫壁金絲奏如見麟書玉帳通道統
千秋遙契合心源萬世本和同特修典禮輝前
史還許官僚効匪躬皋禹尚難颺至德鄒枚何
以竭雕蟲

伏覩

幸魯盛典恭述

監

生臣劉石齡

灑穹生民溯古帝我

皇至德符軒義書集闕庭授赤鳥字浮洛水傳靈龜俎
豆莘莘盛庠校珠璧燦燦輝長麗維

皇廿三歲甲子貞元會合當斯時時巡岱宗紹虞舜釋
奠闕里崇

先師原泉憩息見道體冬溫藻苻生寒漪奎婁神寓
帝泣止玲瓏鳳蓋飄鸞旂冬十一月日巳卯須明齋宿

城南陞由樞星門

降輦入千官景從行如馳樂縣先

勅太常部八佾舞羽諸侯儀禁壺籩豆簠簋雲雷之
樽象與犧爵登三獻肅九拜祝文我

皇親製辭

講筵秩秩設詩禮生儒聚觀肅且祗三綱十翼啓

宸聽聖孫論說宏皋比禮成載登大成殿敬瞻像設緇

帷披

周覽古蹟及圖畫摩挲石柱蛟螭踞杏壇東南手植檜
旋紋左紐承華滋還過舊宅眺遺井壁中隱隱

聞金絲

帝庸作歌四十字歌成展賜

天顏怡萬世師表灑

宸翰仰視墨瀋猶淋漓懸諸中天垂四寓燭龍銜耀開

幽涯曲莖葩瑤留

御蓋殊勝器皿陳朱提

駕出北門幸林墓列栢數里何逶迤林廡正啓輦路
闕橋邊洙水流冰漸兔溝之南封若斧左爲伯
魚前子思堂楹尚記廬墓處遠方珍木蕃孫枝
古壇方石四十九漢時篆刻今猶垂亭名駐蹕
建宋代

今皇更自垂鴻規林中交響盡文鳥墓旁枝葉皆神著
奉引既畢乃先路

翠華北指重遲遲二千餘年附域兆

詔增式廓千畝奇蠲租給復出異數四氏爵賞各有差
又明年春頒

御製褒崇

至聖先師碑西山琢石航濟水官窰燒瓦鋪琉璃

宸章更述先後聖世官東野宗周姬皇皇鉅典昭萬世
右文無有逾今茲襲六爲七事非細直爲聖道
存網維詠仁蹈德溢絃誦

皇帝萬壽膺蕃釐野人作歌同擊壤慚愧清廟明堂詩

恭紀

幸魯詩二十韻

世襲太常寺博士加一級臣孔毓琮
崇儒聞往辟

特典創

熙朝運轉堪輿泰天迴斗極昭

時巡開爽籟

于邁戒嚴宵沉壁觀河竣鳴鑾望岱遙

法宮懸象魏

玉帳仰魁杓正值陽暉麗彌瞻

聖德劬麟遊知

警蹕鳳舞感咸韶升降絲中闌趨蹌凜外僚誠孚元
醴溢意洽太羹調闕殿夔司磬丹楹曠引簫覩
茲呈萬舞曾用格三苗

命講金聲協

留題玉筯琇諸生頌綺纒宗子賡文貂洄酌泉何幸遊

歌檜亦邀

宸章銘石匱

仙仗倚松喬楷蔭仍紆轡著叢復

駐輶千秋洙水上一旦

翠華飄道統尊

尼父心傳屬

帝堯成由羣聖集禮視百王超埃壘慙奚補顛情叩

紫霄

恭紀

幸魯盛典詩二首

翰林院世襲五經博士 臣顏懋衡

萬乘霓旌下拂天

哲王親視

聖人筵因知

盛代修文物不減虞廷奏管絃
遍歷林瑩因訪道下詢

草野爲褒賢存神過化今如此疑是

唐堯甲子年

其二

檜楫多年聖澤新

宸遊歷歷動諮詢
撫摩彝器千秋碧
顧盼圖書四壁春
自是廟庭留

曲蓋即看碑版勒

王綸縹緗文綺同時賚
更沐

興朝一視仁

恭紀

幸魯四律

翰林院世襲五經博士

臣曾貞豫

洙泗清源濬尼防紫氣高

親師隆典舉訪道

聖躬勞魯殿看儀鳳殷階集舞翽禮成懽子姓况復沛
恩膏

其二

終古宮牆閔誰能罄所窺

至尊遊覽徧百辟肅雍隨汲井嘗泉脈觀文搨漢碑
謁林還奠筭遊豫到洙湄

其三

漢祖曾親祀唐宗著咏篇道雖崇萬古

典莫盛今年

御榜龍螭護

宸章琬琰鐫

聖心猶企戀日暮未言旋

其四

几筵頒賚澤禮視

幸成均末裔沾

殊寵青雲悉致身家曾傳聖脈誼敢後王臣

講義型仁訓千秋謹誌紳

恭紀

幸魯詩二首

翰林院世襲五經博士

臣

孟貞仁

霽霽

鸞旗賁魯疆杏壇冬日轉曦陽唐槐陰下千官列漢栢

林邊

六馭翔考擊鐘鏞陳古樂昭回雲漢發

天章羹牆後聖親先聖一體

君師道脈長

其二

東封自古問尼山累代宗師只等閒輯瑞遠因
巡狩屆釋片初自

省方還麟書有待增

宸翰章甫遙疑揖

聖顏何幸禮庭宣

寶訓小臣猶得侍鵷班

恭紀

幸魯詩二章

翰林院世襲五經博士臣仲秉貞

祀岱千秋協量衡

觀河九有閱平成

聖心直與天心接

君道還兼師道明魯國山川祥靄合靈光宮殿惠風清

吾

皇一展崇儒禮窮海遐陬仰治平

其二

章縫劍履聖人居
拭筭修書荆棘除
賁祀每傳
來玉冊巡遊曾幾駐
金輿

登堂釋奠陳瑤簏
入廟諮詢啓石渠
楷檜自從經
御覽更延精采萬年餘

幸魯紀

恩詩二章

翰林院世襲五經博士
臣東野沛然

翠羽東巡過岱宗

迴鑿特幸伯禽封金絲再奏新韶
護詩禮重開古辟廱
率土競瞻

天子氣

淵衷如覲

聖人容

君師一德千秋合載筆賡颺愧莫從

其二

天行乾健孰躋攀父子扶攜覲

帝顏齒及元公親裔胄

恩加禽父舊河山闕宮始覩

龍光耀下士叨升駕鷺班曠古未逢斯典盛黃農虞夏

溯洄間

恭紀

幸魯盛典告成敬賦四十韻

翰林院世襲五經博士臣仲承述

運際昇平日

鸞迴齊魯鄉循途雲騎盛蔽野彩旗揚萬姓咸嵩祝
千官列鸞行喧闐遮

御道拜舞近

龍光籌報三更月令嚴五夜霜卿雲籠泗水曉日薦
扶桑儀衛排仙仗尚衣進袞裳崇師親几席重
道入宮牆釋菜儀崇重扃蒿氣審詳尊親前莫
比神化世難忘肥膾牲牲牲碩棗盛黍稷香兩楹
陳整肅八佾舞迴翔匹爵班文燦罍樽寶篆彰

雖雖鳴管籥嘒嘒奏笙簧豫順八音協調和六
律良太羹留淡味旨酒載醇漿對越加誠敬駿
奔慎濟蹌儀容稱穆穆感格覺洋洋宗伯聯班
次鴻臚執贊襄杏壇開燦爛闕里動輝煌天豈
窮周士世猶奉

素王丹雘含日月碧瓦砌駕馮
仰視環階級溯洄依
棟梁

綸言聞遜順

玉趾仰端莊受賀奎文閣經筵詩禮堂修齊闡治化翕

闕論陰陽

帝眷乾坤表

天威咫尺傍裁詩垂

鳳藻製賦煥

龍章盤舞

宸翰麗飛騰

御墨蒼聖孫爭踴躍賢裔盡光昌蟒服雲垂體琅函錦

滿箱蒙恩曾未已荷寵更非常過魯還輕漢臨
離遠邁唐依然輯玉帛猶自奉圭璋雅範超千
古嘉猷振八方俗成修五教民化正三綱光被
山河泰休明社稷長高深窮極至精妙探微茫
合德追堯舜傳心紹禹湯弘名垂簡冊永保慶
無疆

聖駕臨幸闕里恭紀一律

歲

貢

生臣王時鴻


時巡曠舉會冠裳釋奠親臨舊講堂齊拜

恩波孫子慶欣瞻

仗衛廟林光當年道德傳縫掖今日師儒在

帝王千古淵源同作述仰窺

宵旰蚤羹牆



幸魯盛典卷四十